

Johtočála 2023-31

Dáhton: 18.08.2023

Buhtada johtočállaga: 2020-20

Kommentárat siidaosiid ja boazoservviid doarjjaortnegiid njuolggadusaide

Kommentárat ja čilgehusat njuolggadusaide mat gusket doarjjaortnegiidda siidaosiide ja boazoservviide.

Sisdoallu

Álggahus	2
Njuolggadusaid rievdadusat ovddit boazodoallojagi rájes	2
Njuolggadusaid mearrádusat	2
§ 1. Ulbmil	2
§ 2. Doarjjameroštallama áigodat	3
§ 3. Doarjaga oppalaš eavttut.....	3
§ 4. Sierramearrádus boazologu birra.....	6
§ 5. Doarjjameroštallan	10
§ 6. Gáibádusat ohcamuššii	11
§ 7. Sierra doaibmadoarjja nuoraide	12
§ 8. Sierra doaibmadoarjja nissonolbmuide	12
§ 9. Álggahandoarjja	13
§ 10. Buvttadanvuoitu	14
§ 11. Miessenjuovvandoarjja	16
§ 12. Náittosguoibme-/ássanguoibmelasáhus.....	17
§ 13. Diedut ja dárkkisteapmi	19
§ 14. Dieduid viežžan.....	19
§ 15. Boasttomáksimiid divvun	19
§ 16. Unnideapmi je.	20
§ 17. Ruovttoluottamáksima dahje unnidansupmi sisagáibideapmi.....	21
§ 18. Hálddašeapmi, váidin ja dispensašuvdna.....	22
§ 19. Fápmuiboahhtin	24

Álggahus

Doarjjaortnegat siidaosiide ja boazoservviide leat njuolggadusa geassemánu 20. beaivvi 2019 bokte rievdaduvvon.

Njuolggadusaid rievdadusat ovddit boazodoallojagi rájes

§ 8 – Sierra doaibmadoarjja nissonolbmuide

Nissonolbmuid sierra doaibmadoarjaga máksomearri lea lassánan 25 000 ruvnnos 40 000 ruvdnii.

§ 10 – Buvttadanvuoitu

Máksomearri lea lassánan. Máksomearri lea dal 39 proseantta meroštallanvuodus.

Oppalaš meroštallanvuodđu siidaosiide lea lassánan 600 000 ruvnnos 650 000 ruvdnii.

Buvttadanvuoitu ii mákso siidaosiide geain lea divatgeatnegahtton vuovdindienas badjel 650 000 ruvno.

Dal gáibiduvvo ahte biergovuovdindienas ja eará dietnasis bohccos mii lea njuovahagas njuvvojuvvon, raporterejuvvo njuolggadusa njuvvojuvvon bohccuid ja vuorkáhivvodaga vuodul vai dat lea mielde buvttadanvuoittu meroštallanvuodus.

§ 11 – Miessenjuovvandoarjja

Miessenjuovvandoarjaga máksomearri lea lassánan 500 ruvnnos 650 ruvdnii juohke njuvvojuvvon miesis.

§ 12 – Njiŋġelasnjuovvandoarjja

Njiŋġelasnjuovvandoarjja lea váldon eret. Njiŋġelasnjuovvandoarjja lei doarjjajagis 2022/2023. Dal ii juolluduvvo doarjja go njuovvá njiŋġelasaid mat leat badjel guokte jagi dan doarjjajagis.

Njuolggadusaid mearrádusat

§ 1. Ulbmil

§ 1

Doarjjaortnegat siidaosiide ja boazoservviide galget ovddidit guoddevaš boazodoalu, kvalitehta ja buvttadeami ja maiddái loktet ealáhusa sisaboađu.

Gáldu: [Forskrift om tilskudd til siidaandeler og reinlag](#) (Lovdata)

Kommentárat ulbmili

Oppalaš ulbmil siidaosiid ja boazoservviid doarjjaortnegiin lea ovddidit guoddevaš boazodoalu. Dat lea maid ulbmil boazodoallolágas ja váldomihttomearri Stuoradiggedieđáhusas nr. 32 (2016-2017) «Reindrift – Lang tradisjon – unike mulighet» (dan rájes Stuoradiggedieđáhusas).

Boazodoallolága bokte leat ásahuvvon dihto geatnegasvuodát boazodolliide, orohagaide, boazoservviide ja boazodoallohálddašeddjiide olahán dihte ulbmila. Doarjagiid njuolggadusat ortnegiid ektui galget movttiidahttit boazodoalloealáhusa ja eará aktevrraid čuovvut boazodoallolága mearrádusaid ja olahit oppalaš mihtuid. Dan dihte galgá dihto mearrádusaid ipmirdit boazodoallolága § 1 oktavuodas. Dat guoská ovdamearkka dihte dispensašuvdnaohcamušaid árvoštallamii.

Boazodoallolága 2007 fápmuiboahhtima rájes leat boazodoallopolitihkalaš mihtut rievdan veahá. Gustovaš boazodoallopolitihkalaš mihtut mat bohtet ovdan Hurdalsplattformen:is leat:

- Joatkit dohkkehit boazodoalu dehálaš kulturealáhussan mii lea bearašvuđot ja mas lea áidnalunddot eallinvuohki
- Boazodoalu ovdánahttit goalmmásas mihtuiguin ekologalaš, ekonomalaš ja kultuvrralaš guoddevašvuđain
- Ollislaččat ođasmahttit boazodoallolága
- Láhčit dili bierggu ja liigebuktagiid árvolassáneapmái ja eambo ángiruššama kulturgaskkusteapmái ja boazodoallovuđot turistemii

Doarjjaortnegiid mihttun lea maiddáa ovddidit kvalitehta ja buvttadannávccaid, ja bajidit boazodoalloeláhusa dietnasa.

§ 2. Doarjjameroštallama áigodat

§ 2

Doarjjameroštallama áigodat (doarjjajahki) lea boazodoallojahki dan njuolggadusa vuodul. Boazodoallojahki álgá cuoŋománu 1. beaivvi ja bistá njukčamánu 31. beaivvi rádjái, jus dihto njuolggadusain eai leat eará mearrádušat.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Doarjjameroštallama áigodagain oavvilduvvo áigodat goas doarjjameroštallama vuodđu galgá leat háhkkojuvvon.

Eará áigodagat lea gustovaččat čuoŋvovaš čuoŋgáin:

- Unnimusdietnasa áigodat, maŋemus kaleanddarjahki, § 3 nr. 2
- Siidda boazolohku njukčamánu 31. beaivvi doaimmajagis, § 4 vuosttaš lađas
- Sierra doaimmadoarjja nuoraide, ođđajagimánu 1. beaivvi doaimmajagis, § 7
- Buvttadanvuoitu, maŋemus kaleanddarjahki, § 10 vuosttaš ja nubbi lađas
- Miessenjuovvandoarjja, borgemánu 15. beaivvis njukčamánu 31. beaivái boazodoallojagis, § 11 nubbi lađas
- Njiŋnelasnjuovvandoarjja, boazodoallojagis borgemánu 15. beaivvis njukčamánu 31. beaivái, § 12 nubbi lađas
- Náittosguoibme-/ássanguoibmelasáhus, maŋemus litnetáigodat, § 13 nubbi lađas

§ 3. Doarjaga oppalaš eavttut

§ 3

Dan mearrádusa vuodul sáhtta doarjja juolluduvvot boazoservviide dahje siidaoasi jodiheaddjái jus:

1. Boazosearvi dahje siidaoasi jodiheaddji lea sádden doarjjajagi boazodoalldiedáhusa, ja
2. boazosearvis dahje siidaoasi jodiheaddjis lea leamaš divatgeatnegahtton biergovuovindienas iežas mearkkas unnimusat 50.000 ruvno ovddas ekskl. lassiarvodivvaga maŋemus kaleanddarjagis. Dianas bohccuin mat leat njuovvojuvvon dahje

vuvdojuvvon olggobealde Norgga rájiid eai rehkenastojuvvo divatgeatnegahtton dienasin dán njuolggadusa mielde, earret go jus bohccot gullet olgoriikka reidenortnega vuollái, ja

3. siidaoasi jodiheaddji ii oaččo ahkepenšuvnna álbmotoaju njuolggadusaid mielde dan doaibmajagis masa ohcamuš guoská. Siidaoassi mii oažžu náittosguoibme-/ássanguoibmelasáhusa § 13 mielde dahje oktasaš siidaoasis sáhtá goitge boarráset náittosguoibmi dahje ássanguoibmi oažžut ahkepenšuvnna.

Buohtalas rekruterenosiide ii sáhte juolluduvvot doarjja dán njuolggadusa mielde.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Vuosttaš lađas nr. 1: ohcci ferte sáddet boazodoallodieđáhusa

Boazodoallodieđáhussii (BDD) galget dieđut oktavuodáid birra mat leat mearkkašahtti boazodoallopólitihkalaš mihtuid olaheami árvvoštallamis, geat sáhttet oažžut doarjaga ja mo doarjjasubmi mearriduvvo. Stáhtahálddašeaddji dárkkista dieđuid boazodoallodieđáhusas earret eará njuolggadusaid boazologu ja ealáhusdoaimma ektui.

Sihke boazosearvvit ja siidaoassejodiheaddjit fertejit sádden boazodoallodieđáhusa ovdal go ohcamuš sáhtá meannuduvvot.

Vuosttaš lađas nr. 2: vuovdindienasgáibádus

Vuovdindienas galgá leat divatgeatnegahtton

Jus galgá doarjaga oažžut, de ferte ohccis leamaš divatgeatnegahtton vuovdindienas.

«Divatgeatnegahtton vuovdindietnasiin» oaivvilduvvo gálvojohtu mii lea divatgeatnegahtton lasseárvodivatlága vuodul. Sihke gálvu ruđaid vuostá, ja gálvu gálvuu vuostá (lonohallan) rehkenastojuvvo divatgeatnegahtton vuovdindienasin lasseárvodivatlága vuodul. Njuolggadus ii gáibit ahte lasseárvodivat duodas lea mákson.

Gálvojohtu (divatgeatnegahtton vuovdindienas) lea merkejuvvon lasseárvodivatlágas § 1-3 vuosttaš láđđasis bustávva a čuovvovaš vuogi mielde: «levering av varer og tjenester mot vederlag».

Go gáibida buhtadusa gálvvuid ovddas, de dat lea gálvojohtu. Máksámuš ovdal gálvvuid sirdima ii leat gálvojohtu. Go gálvvuid sirdá ja ii gáibit buhtadusa, de dat ii leat gálvojohtu.

Vuovdindietnasa meroštallanvuodus lea dušše bohccobierggu vuovdin/gálvojohtu mii rehkenastojuvvo § 3 vuodul. Meroštallanvuodui sáhtá goitge eará vuovdindienas lasihuvvot § 10 vuodul.

Bierggu vuovdin/gálvojohtu fátmasta buot biergovuovdima dietnasa, beroškeahtá gii oasti lea. Njuovahagaide, priváhtaolbmuide ja earáide vuovdin galgá leat mielde meroštallanvuodus dan mearrádusa vuodul.

Bohccobierggu árvu, man iežas geavahussii váldá, ii rehkenastojuvvo dienasin/gálvojohtun ja dan dihte ii galgga váldot mielde divatgeatnegahtton dietnasa meroštallamii dan njuolggadusa vuodul.

Stáhtahálddašeaddji sáhtá bivdit duodaštusa dietnasis jus dan dárbbasit go galget árvvoštallat ohcci rievtti oažžut doarjaga. Duodaštus sáhtá leat guite mii čájeha makkár gálvu lea vuvdojuvvon/jođihuvvun, gálvuu supmi, ja vuovdima ja máksingáibádusa áigemuddu.

Divatgeatnegahtton vuovdindienas galgá leamaš unnimusat 50 000 ruvno mañemus kaleanddarjagis

Jus galgá oažžut doarjaga, de galgá siidaoassejodiheaddji/boazosearvi vuovdán bohccobierggu

kaleanddarjagi mielde. Das oaivvilduvvo ahte bohccobiergu ja eará gálvvut bohccos galget leat vuvdojuvvon ovdal juovlamánu 31. beaivvi dan kaleanddarjagis masá ohcá doarjaga.

Bohccobierggu máksámuš – leaš dál máksima dahje lonohallama bokte – sáhtta dáhpáhuvvat čuovvovaš jagis.

Dienas ferte boahit bohccobiergovuovdimis

Lea dušše biergovuovdindienas mii lea dietnasa meroštallanvuodus mearrádusa vuodul. Eará dienas boazodoalus, ovdamearkka dihte lassigálvvut bohccos ja duojs (duoljit, čoarvvit je.) eai leat dietnasa meroštallanvuodus.

Lassigálvodienas mii boahá bohccos ja duojs sáhtta leat mielde buvttadanvuoittu meroštallanvuodus go dienasgáibádus lea olahuvvon.

Bohccos galgá leat siidaoassejodiheddji/boazosearvvi mearka

Siidaosiide:

Unnimusdietnasa meroštallamii vuodđuduvvojit bohccobierggu vuovdima/gálvojođu dietnasat mat leat merkejuvvon:

- siidaoassejodiheddji iežas mearkkain ja
- siidaoassejodiheddji mánáid mearkkain go mánát leat vuollel 17 jagi juovlamánu 17. beaivvi 2022, ja máná sisaboahu rehkenastojuvvo váhnemiid litnegis

Jus náittos-/ássanguimmežiin lea oktasaš siidaoassi boazodoallolága § 13 vuodul, de lea doarvá ahte sudnos oktasaččat lea vuovdindienas bohccobierggus iežaska mearkkain unnimusat 50 000 ruvno ekskl. lasseárvodivat. Ovdamearkka dihte sáhtta okta jodiheddji fuolahit ahte gáibádus ollašuvvá, dahje ahte goappašat jodiheddjiid dienassupmi oktiibuot addá vuovdindietnasa mii lea eambo go unnimusgáibádus.

Jus siidaoassi lea sirdojuvvon doaimmajagis 2022/2023, de galgá unnimusdietnasa gáibádus ollašuvvat das, gii jodihii siidaoasi njukčamánu 31. beaivvi 2023. Áigemuddu siidaoasi sirdimii ođđa jodiheddjái boahá ovdan stáhtahálldašeddji áššemearrádusas go dohkkehii siidaoasi sirdima. Dat mearkkaša ahte bohccobiergovuovdima dienas ovddeš jodiheddji mearkkas ii galgga leat mielde meroštallanvuodus, beroškeahhtá goas doaimmajagis 2022/2023 siidaoassi sirdojuvvui.

Boazoservviide:

Buot boazosearvvi boazodoalliin lea seamma mearka. Jus galgá oažžut doarjaga, de ferte boazosearvvi iežas mearkkas leamaš dienas biergovuovdimis unnimusat 50 000 ruvno ekskl. lasseárvodivat.

Boazu ferte leat njuovvojuvvon ja vuvdojuvvon Norggas

Lea dušše vuovdindienas bohccos mii lea sihke njuovvojuvvon ja vuvdojuvvon Norggas mii galgá leat mielde meroštallanvuodus. Spiehkastat dán njuolggadusas lea boazu mii rehkenastojuvvo reidenortnega mielde, das oaivvilduvvo sisafievrrerduvvon bohccobiergu mii lea reidejuvvon olgoriikkas. Jus reidenortnet galgá dohkkehuvvot njuolggadusaid mielde, de galgá boazoeaiggádis leat áššemearrádus Eanandoalldirektoráhtas ahte bohccobiergu lea sisafievrrerduvvon mañjel reidema olgoriikkas.

Vuosttaš lađas nr. 3: siidaoassejodiheddji ii sáhte ožžon ahkepenšuvvna

Mearrádus gusto siidaoassejodiheddjiide geat ohcet doarjaga. Boazosearvvi miellahtut sáhttet vuostáiváldit ahkepenšuvvna váikkutkeahhtá áššemeannudeapmái.

Njuolggadusa vuodul ii sáhte siidaoassejodiheddji oažžut doarjaga jus son lea ožžon ahkepenšuvvna NAV:as dahje eará EØS-riikkas gaskal cuoŋománu 1. beaivvi ja njukčamánu 31.

beivvi dan boazodoallojagis, man ovddas lea ohcan doarjaga. Dat njuolggadus gusto go lea ožžon sihke buot dahje oasi ahkepenšuvnnas.

Go eavttut náittos-/ássanguoibmelasáhusa njuolggadusat § 13 vuodul leat olahuvvon, de sáhtta siidaoassejodiheaddjiide juolluduvvot doarjja vaikko boarráset siidaoassejodiheaddji oážžu ahkepenšuvnna. Dan njuolggadusa vuodul ii sáhte doarjja juolluduvvot jus nuorabut siidaoassejodiheaddji oážžu ahkepenšuvdna.

Stáhtahálddašeaddji sáhtta bivdit duođaštusa ahte ii oaččo ahkepenšuvnna go árvoštallet ohcci rievtti oážžut doarjaga. Ovdamearkka dihte sáhtta NAV čállit duođaštusa.

Nubbi lađas: [buohtalas rekruterenosiide ii juolluduvvo doarjja](#)

Mearrádusa galgá ipmirdit buvttadanvuoittu § 10 oktavuodas. Dan mearrádusa vuodul leat buohtalas rekruterenosiid dietnasat siidaoasi oktasaš dienasvuodus. Buohtalas siidaoasit leat dan oktavuodas oassin siidaoasis, muhto doarjagat sáhttet juolluduvvot ja máksojuvvot dušše fal váldosiidaoasi jodiheaddjai.

§ 4. Sierramearráduš boazologu birra

§ 4

Doarjagiid eaktun lea ahte siidda boazolohku njukčamánu 31. beivvi doarjjajagis oktiivástida mearriduvvon boazologuin dohkkehuvvon njuolggadusaid mielde.

Jus siidda boazolohku lea badjel mearriduvvon boazologu, de sáhtta siidaoasi jodiheaddji liikká oážžut doarjaga jus:

- a. siida lea ráhkadan unnidanplána boazolága § 60 goalmát lađđasa mielde, ja siidaoasi boazolohku lea unnidanplána mielde, dahje
- b. boazodoallostivra lea mearridan gorrevuđot boazolohkounnideami boazodoalloga § 60 goalmát lađđasa mielde, ja siidaoasi boazolohku lea dan mielde, dahje
- c. stáhtahálddašeaddji lea mearridan bajimus boazologu guđege siidaoassái boazodoalloga § 60 viđat lađđasa ja dasa gullevaš njuolggadusa vuodul, ja siidaoasi boazolohku lea dan mielde, dahje,
- d. siidda siidaoasit leat šiehtadan boazologu juohkima boazodoalloga § 60 guđat lađđasa vuodul, ja siidaoasi boazolohku ii leat badjel siidda mearriduvvon boazologu, ja siidaoasi boazolohku lea dan mielde, dahje
- e. bustávat a-e eai guoskka siidaoassái, ja siidaoassi ii leat lasihan iežas boazologu dan boazologu ektui mii das lei dan jagi ovdal siida lei mearriduvvon bajimus boazologu badjel.

Gáldu: [Forskrift om tilskudd til siidaandeler og reinlag](#) (Lovdata)

Kommentárat boazologu sierramearrádusaide

Vuosttaš lađas: [váldonjuolggadus](#)

Mearrádus gusto dušše siidaoassejodiheaddjiide geat ohcet doarjaga. Boazologu sierramearrádusat eai gusto boazoservviide.

Siidaoasit sáhttet dábálaččat oážžut doarjaga dušše dalle go siidaoasi siidda boazolohku lea seamma ollu dahje unnit go siidda mearriduvvon bajimus boazolohku dohkkehuvvon doaimbanjuolggadusaid njukčamánu 31. beivvi 2023 vuodul. Dán mearrádusas mearkkaša «siida» geassesiiida, dájvá dat lea geasseorohat.

Jus siidda boazolohku oktiivástida bajit boazologuin doaibmanjuolggadusain, de buot siidaoasit siiddas ožžot doarjaga jus oppalaš eavttut njuolggadusa § 3 ollašuvvet.

Siidda boazolohku njukčamánu 31. beavvi rehkenastojuvvo buot dohkkehuvvon boazodoalldiedáhusaid vuodul maid siidda siidaoasit leat sádden. Váltonjuolggadus ii gusto jus muhtun siidaoassi siiddas ii leat addán boazodoalldiedáhusa dahje jus lea addán boazodoalldiedáhusa mii ii sáhte dohkkehuvvot. Stáhtahálddašeaddji ii sáhte rehkenastit boazologu siiddas jus ii leat dohkkehan boazodoalldiedáhusa buot siidda siidaosiin. Dakkár dilálašvuodas fertejit spiehkastagaid eavttut njuolggadusa § 4 nuppi lađđasis bustávva a-f ollašuvvat jus siidaoasit galget oažžut doarjaga.

Nubbi lađas: spiehkastagat

Jus siidda boazolohku lea badjel mearriduvvon boazologu dohkkehuvvon doaibmanjuolggadusaiguin, de sáhtá okta siidaoassi liikka oažžut doarjaga jus siidaoassi ollašuhká spiehkastagaid eavttuid § 4 nuppi lađđasa bustávva a-f vuodul.

Bustávva a – unnidanplána

Jus siidaoassi galgá oažžut doarjaga dan spiehkastaga vuodul galget čuovvovaš eavttut ollašuvvat:

- Lea gáibádus ahte gávdno dohkkehuvvon unnidanplána njukčamánu 31. beavvi doarjjajagis boazodoalloga § 60 goalmmát lađđasa vuodul.
- Siidaoasi boazolohku njukčamánu 31. beavvi doarjjajagis ferte oktiivástidit siidaoasi mearriduvvon boazolohkomeariin unnidanplánas.

Stáhtahálddašeaddji galgá dohkkehan unnidanplána go ohcá doarjaga. Jus galgá dohkkehuvvot, de galget unnidanplána čuovvovaš eavttut ollašuvvat:

- Plána galgá sisttisoallat juohke unnidanjahkáii juohke siidaoasi šiehtaduvvon boazologu.
- Unnidanplána loahpalaš boazolohku galgá oktiivástidit bajimus boazologuin dohkkehuvvon njuolggadusaid vuodul.
- Buot siidaoassejodiheddjit siiddas/orohagas fertejit miehtan unnidanplánii. Dasa sáhtá čájehit dokumentašuvnna jus buot siidaoassejodiheddjit čállet vuollai unnidanplánii, dahje jus jahkečoahkkima protokolla čájeha ahte buot siidaoassejodiheddjit jienastedje plána olis. Ii leat vejolaš ráhkadit unnidanplána eanetlohkomearrádusain. Dat lea mearriduvvon Alimusrievtti duomus juovlamánu 19. beavvi 2019 (HR-2019-2395-A).

Unnideapmi ferte leat álgon doarjjajagis. Doarjjaohcamušaid boazodoallogagi 2022/2023 ovddas galgá danne unnidanplána vuosttaš ceahkki čađahuvvon ovdal cuoŋománu 1. beavvi. Jus unnidanplána easkka álgá cuoŋománu 1. beavvi 2023, de ii sáhte bustávva a spiehkastat geavahuvvot.

Mearrádus sáhtá dušše geavahuvvot dan unnidanplána áigodahkii. Go unnideapmi lea čađahuvvon, de ii sáhte loahppalohku unnidanplánas geavahuvvot árvvoštallat siidaoasi spiehkastaga vuodul (geahča Alimusrievtti duomu badjelis). Dakkár dáhpáhusain árvvoštallojuvvo siidaoassi bustávva f mielde.

Unnidanplána galgá leat sáddejuvvon stáhtahálddašeaddjái ovdal ohcanáigemeari doarjagiidda siidaosiide ja boazoservviide mii lea miessemánu 31. beavvi, vrd. § 6.

Bustávva b – geatnegahtton gorrevuđot boazolohkounnideapmi

Jus siidaoassi galgá oažžut doarjaga dan spiehkastaga vuodul fertejit čuovvovaš eavttut ollašuvvat:

- Boazodoallostivra galgá gohččon siidaoasi gorrevuđolaččat unnidit boazologu Boazodoallogála § 60 goalmmát lađđasa vuodul
- Siidaoasi boazolohku njukčamánu 31. beavvi doarjjajagis galgá oktiivástidit mearriduvvon lohku gorrevuđolaš unnidanplánas.

Mearrádus gusto dušše áigodahkii mii čuožžu gohččumis. Go gorrevuđolaš unnideami gohččun lea ollašuvvan, de ii sáhte siidaoassi árvvoštallojuvvot bustávva b spiehkastagain. Dakkár dáhpáhusain galgá siidaoassi árvvoštallojuvvot bustávva f vuodul.

Bustávva c – áššemearrádus boazologu juohkimis juohke siidaoassái

Jus siidaoassi galgá oážžut doarjaga dan spiehkastaga vuodul galget čuovvovaš eavttut ollašuvvat:

- Siidaoassi ferte ožžon áššemearrádusa stáhtahálddašeaddjis boazodoallogála § 60 viđat lađđasa vuodul siidaoasi boazologu mearrideami birra.
- Siidaoasi boazolohku njukčamánu 31. beavvi doarjjajagis galgá oktiivástidit boazologuin stáhtahálddašeaddji mearrádusas.

Boazologu mearrádus siidaoasi dásis boazodoallogála § 60 viđat lađđasa vuodul lea čadnon áigái ja sáhtta dušše gustot viđa jahkái, vrd. njuolggadus boazologu mearrideapmi juohke siidaoassái § 1. Stáhtahálddašeaddji galgá áššemearrádusas čállit makkár áigodahkii boazologu mearrádus gusto.

Mearrádusa áigodat lea gustovaš dušše dihto áigodagas. Go mearrádusa áigodat nohká, de siidaoassi ii sáhte meroštallojuvvot bustávva c spiehkastagain. Dakkár dáhpáhusain galgá siidaoassi meroštallojuvvot bustávva f vuodul.

Bustávva d – siskáldas šiehtadus boazologu juohkimis

Jus siidaoassi galgá oážžut doarjaga dan spiehkastaga vuodul fertejit čuovvovaš eavttut ollašuvvat:

- Siidaoassi ferte ožžon áššemearrádusa stáhtahálddašeaddjis boazodoallogála § 60 viđat lađđasa vuodul siidaoasi boazologu mearrideami birra.
- Siidaoassi galgá šiehtadan ovttain dahje mánggain siidaosiin/-osiiguin siiddas eará boazolohkojuogu birra go dan maid stáhtahálddašeaddji lea mearridan.
- Boazologu submi šiehtadusas galgá leat seamma submi go siidaoasi boazolohku stáhtahálddašeaddji mearrádusas boazologu birra.
- Siidaoasi boazolohku njukčamánu 31. beavvi doarjjajagis galgá oktiivástidit loguin mii lea mearriduvvon siidaoasi šiehtadusas.

Guokte dahje eambo siidaoasit sáhttet searvat geatnegahtton šiehtadussii boazologu juohkimis dán mearrádusa vuodul. Jus okta siidaoassi lasiha boazologu dakkár šiehtadusa vuodul, de dan siidaoasis goitge lea riekti oážžut doarjaga.

Geatnegahtton šiehtadus boazologu juohkimis galgá leat sáddejuvvon stáhtahálddašeaddjái ovdal ohcanáigemeari doarjagiidda siidaosiide ja boazoserviide miessemánu 31. beavvi, vrd, § 6.

Šiehtadus boazologu juohkimii gusto seamma guhká go boazologu mearrádus man stáhtahálddašeaddji lea dahkan Boazodoallogála § 60 viđat lađđasa vuodul. Go stáhtahálddašeaddji mearrádusa áigodat nohká, de dat ii váikkut doarjjameannudeapmái. Siidaoassi galgá dalle meroštallojuvvot bustávva f vuodul.

Bustávva e – mearriduvvon boazolohku juohke siidaoasis doaimanjuolggadusain

Jus siidaoassi galgá oážžut doarjaga dan spiehkastaga vuodul fertejit čuovvovaš eavttut ollašuvvat:

- Siida galgá mearridan bajit boazologu juohke siidaoassái dohkkehuvvon doaibmanjuolggadusain boazodoallolága § 60 njealját lađđasa vuodul.
- Boazologu submi mii lea mearriduvvon juohke siidaoassái ii galgga leat eambo go oppalaš bajit boazolohku siiddas doaibmanjuolggadusain.
- Siidaoasi boazolohku njukčamánu 31. beavvi doarjjajagis galgá oktiivástidit siidaoasi boazologuin doaibmanjuolggadusain.

Mearrádus gusto guovttelágan dáhpáhusaide:

- Mearrádus dásseárvosaš boazologus (bajit submi) buot orohaga siidaosiide. Orohatstivra sáhtá mearridit boazologu bajit supmi eanetlohkomearrádusain.
- Mearrádus juogaduvvon boazologus. Buot siidaoassejodiheaddjit fertejit soabadit juogu birra, vrd. Alimusrievtti duopmu juovlamánu 19. beavvi 2019 (HR-2019-295-A).

Boazodoallolága § 60 njealját ladás ii leat mearrádus unnidit boazologu, muhto mearrádus boazologus juohke siidaoassái. Dat boazolohku gusto dassázii siidaoassái mearriduvvo ođđa boazolohku, dahje orohatstivra mearrida ahte ii šat galgga leat mearriduvvon boazolohku juohke siidaoassái.

Bustávva f – eará oktavuodát

Jus siidaoassi galgá oazžut doarjaga dan spiehkastaga vuodul fertejit čuovvovaš eavttut ollašuvvat:

- Siidaoassái eai galgga gustot proseassat namuhuvvon bustávain a rájes e rádjái.
- Siidaoassi ii galgga lasihan iežas boazologu dan boazologu rájes mii siidaoasis lei jagi ovdal go siida rihkui mearriduvvon boazologu.

Eavttut ahte siidaoassái eai galgga gustot proseassat namuhuvvon bustávain a rájes e rádjái

Jus spiehkastat galgá leat gustovaš, de siidaoassi galgá čuovvovaš eavttuid deavdit:

- Unnidanplána ii galgga boazodoallolága § 60 goalmmát lađđasa vuodul gustot siidaoassái
- Siidaoasis ii galgga leat mearrádus gorrevuđolaš unnideapmái boazodoallolága § 60 goalmmát lađđasa vuodul
- Siidaoassi ii galgga ožžon mearrádusa boazologus juohke siidaoasi ovddas boazodoallolága § 60 njealját dahje viđat lađđasa vuodul

Spiehkastat gusto sihke siidaosiide geain ii leat leamaš unnidanproseassa ovdalis, ja siidaosiide geain lea leamaš unnidanproseassa ovdalis ja leat geargan dainna.

Eaktu ahte siidaoassi ii galgga lasihan iežas boazologu dan jagi rájes go siidda boazolohku mañemus lei lobálaš dohkkehuvvon doaibmanjuolggadusain

Jus galgá sáhttit árvvoštallat dán eavttu, de ferte stáhtahálddašeddji háhkat dieđuid dan birra ahte makkár doaibmajagi siidda/orohaga boazolohku oktiivástidii bajit boazolohkomeariin dohkkehuvvon doaibmanjuolggadusain. Dat sáhtá leat mánja jagi áigi doarjjajagi ektui. Siidaoasi boazolohku doaibmajagis go siidda/orohaga boazolohku mañemus lei lobálaš buohtastahttojuvvo siidaoasi boazologuin njukčamánu 31. beavvi dohkkehuvvon boazodoalldiedáhusas doarjjajagis.

§ 5. Doarjjameroštallan

§ 5

Jus siidaosiide lea mearriduvvon bajit boazolohku, ja siidaoassái eai gusto eavttut boazologu birra § 4 nubbi lađas bustávva a-e, de sáhtta siidaoasi jodiheaddji goitge oažžut doarjaga čuovvovaš meroštallama vuodul:

- a. jus 1 gitta 10 bohccuin rihkku boazolohkomeari, de doarjja unniduvvo 1000 ruvnnuin juohke bohccos mii dagaha rihkkuma siidaoasi mearriduvvon boazologus,
- b. jus 11 gitta 20 bohccuin rihkku boazolohkomeari, de doarjja unniduvvo 2000 ruvnnuin juohke bohccos mii dagaha rihkkuma siidaoasi mearriduvvon boazologus,
- c. jus 21 gitta 30 bohccuin rihkku boazolohkomeari, de doarjja unniduvvo 3000 ruvnnuin juohke bohccos mii dagaha rihkkuma siidaoasi mearriduvvon boazologus.

Jus siidaosiide ii leat mearriduvvon bajit boazolohku, ja siidaoassi lea lasihan boazologu vaikko rihkku § 4 nuppi lađđasa bustávva f, de sáhtta siidaoasi jodiheaddji goitge oažžut doarjaga čuovvovaš meroštallama vuodul:

- a. jus gaskkal 1 ja 10 bohcco lasiha, de doarjja unniduvvo 1000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu,
- b. jus gaskkal 11 ja 20 bohcco lasiha, de doarjja unniduvvo 2000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu,
- c. jus gaskkal 21 ja 30 bohcco lasiha, de doarjja unniduvvo 3000 ruvnnuin juohke bohccos mii dagaha rihkkuma boazologus mii siidaoasis lei jagi ovdal go siida rihkui mearriduvvon bajit boazologu

Jus rihkku dahje lasiha boazologu 30 dahje eanet bohccuin, de ii sáhte doarjja juolluduvvot.

Gáldu: [Forskrift om tilskudd til siidaandeler og reinlag](#) (Lovdata)

Kommentárat meroštallami

Jus siidaoassi lea lasihan iežas boazologu vaikko rihkku doarjjanjuolggadusain § 4, de dat ii mearkkaš ahte siidaoasi doarjja biehttaluvvo oalát. Jus ii nu ollu lasit boazologu, de sáhtta siidaoassái juolluduvvot unniduvvon doarjja. Man olu doarjagis unniduvvo lea sorjavaš dasa ahte man ollu lea lasihan boazologus.

Unnideapmi galgá meroštallojuvvot mearriduvvon supmiin juohke bohccos mii dagaha rihkkuma juogo siidaoasi mearriduvvon boazologus (jus siidaoassái gustojit spiehkastagat § 4 nuppi lađđasis bustávvat a-e) dahje siidaoasi boazologuin mañemus jagi ovdal go siida/orohat rihkui mearriduvvon bajit boazologu (jus siidaoassái gusto spiehkastat § 4 nuppi lađđasis bustávva f).

§ 6. Gáibádusat ohcamuššii

§ 6

Boazosearvi dahje siidaoasi jodiheaddji galgá sáddet ohcamuša sierra skoviin maid Eanandoalldirektoráhtta lea mearridan. Ohcamuša galgá sáddet stáhtahállddašeaddjái dan boazodoalloguovllus gosa siidaoassi dahje boazosearvi gullá.

Ohcci galgá bidjat mielddusin daid duodaštusaid mat namuhuvvojit ohcanskovis. Lea ohcci ovddasvástádus ahte buot dárbbášlaš duodaštusat čuvvot ohcamuša.

Doarjjaohcan oktan mildosiiguin galgá leat sáddejuvvon ovdal miessemánu 31. beaivvi.

Erenoamáš oktavuodain sáhtá stáhtahállddašeaddji spiehkastit ohcanáigemearis.

Gáldu: [Forskrift om tilskudd til siidaandeler og reinlag](#) (Lovdata)

Kommentárat ohcamuša gáibádusaide

Vuosttaš ja nubbi lađas: ohcamuš galgá sáddejuvvot sierra skoviin maid Eanandoalldirektoráhtta lea mearridan

Stáhtahállddašeaddji dárbbáša dieđuid siidaoasi dahje boazosearvi birra jus galgá sáhttit meannudit doarjjaohcamuša. Makkár dieđut dárbbášuvvojit čuožžu ohcanskovis mildosiin (LDIR-649 B siidoassejodiheddjiide ja LDIR-653 B boazoserviide). Danin galget siidoassejodiheddjit ja boazosearvvit geat ohcet doarjaga geavahit namuhuvvon skoviid. Ohcanskovi dieđuid lassin geahččá stáhtahállddašeaddji boazodoalldieđáhusa ja njuovvanraporttaid maid njuovahagat sáddejit Eanandoalldirektoráhttii. Stáhtahállddašeaddji sáhtá bivdit ohcciid dievasmahttit dieđuid.

Goalmmát lađas: ohcanáigemearri

Ohcanáigemearri siidaosiide ja boazoserviide sáddet ohcamušaid lea miessemánu 31. beaivvi. Jus ohcamuš sáddejuvvo elektrovnnalaččat Altinn:as, de dat galgá sáddejuvvot ovdal dii. 23.59 miessemánu 31. beaivvi. Boasta mielde sáddejuvvon ohcamušaid galgá leat boastasteampil dahje leat buktjuvvon stáhtahállddašeaddjái ovdal áigemeari.

Ohcanjagis 2022/2023 eai gáibiduvvo duodaštusat ohccis go ohcamuša sádde, earágo jus lea šiehtaduvvon eará boazolohku go dan maid stáhtahállddašeaddji lea mearridan. Stáhtahállddašeaddji árvvoštallá dárbbášuvvojit go duodaštusat ohccis ja vejolaččat makkár duodaštusaid galgá háhkat vai sáhtá meannudit ohcamuša.

Dietnasa birra dieđuid galgá deavdit mielddusskoviide LDIR-649 B siidoassejodiheddjiide ja LDIR-653 B boazoserviide. Dieđut leat oassin ohcanskovis ja galget sáddejuvvot oktan váldoskoviin ovdal áigemeari.

Dieđut ja mildosat berrejit sáddejuvvot oktan ohcamušain vai ohcamuš rehkenastojuvvo sáddejuvvon ovdal áigemeari. Mearkkašahtti boasttuvuođat ja váilevaš dieđut sáhttet dagahit ahte ohcamuš ii rehkenastojuvvo ovdal áigemearri sáddejuvvon.

Njealját lađas: dispensašuvdna ohcanáigemearis

Jus siidaoassi/boazosearvi erenoamáš ákkaid dihte ii sáhte sáddet ohcama ovdal miessemánu 31. beaivvi, de sáhtá stáhtahállddašeaddji spiehkastit ohcanáigemearis.

Erenoamáš ágga sisttisdoallá dábálaččat ahte ágga lea áibbas erenoamáš dahje eahpedábálaš. Dispensašuvdnalohpi lea sihkarvuhtan dilálašvuodaide maid láhkaaddi ii sáhtán einnostit go

áššáigullelaš njuolggadus dahje eaktu mearriduvvui.

Jus siidaoassejodiheddji dahje boazosearvvi ovddasteaddji vásihii eahpediehttelas dáhpedorpmi mii dagahii ahte ohcci ii sáhtán sáddet ohcamuša ovdal áigemeari, de sáhtá dispensašuvnna oažžut áigemearis. Ovdamearkka dihte jus roasmmohuvvá dahje duođalaččat buohccá beivviid ovdal ohcanáigemeari dahje ii sáhte sáddet ohcamuša dan dihte go elrávdnji ja luottat leat billašuvvan garra dálkki geažil. Man olu lea bargan das mii vurdojuvvo nu ahte sáhtá ohcat rievttis áigái, vejolaččat nu jodánit go sáhtá mañnel ohcanáigemeari, válde vuhtii go árvoštallojuvvo ahte sáhtá go dahje galggašii go dispensašuvdnalohpi geavahuvvot vai ii.

§ 7. Sierra doaibmadoarjja nuoraide

§ 7

Sierra doaibmadoarjja nuoraide sáhtá juolluduvvot siidaoassejodiheddjiide geat leat vuolled 30 jagi ođđajagimánu 1. beavvi boazodoallojagis. Oktasaš siidaoasis sáhtá boarrásit náittosguoibmi dahje ássanguoibmi leat badjel 30 jagi.

Gáldu: [Forskrift om tilskudd til siidaandeler og reinlag](#) (Lovdata)

Kommentára sierra doaibmadoarjagi nuoraide

Mearrádus gusto dušše siidaoassejodiheddjiide. Doarjja ii sáhte juolluduvvot boazoservviide.

Ulbmil sierra doaibmadoarjagiin nuoraide lea doarjut nuorra siidaoassejodiheddjiid geat leat ásaheame iežaset siidaoasi.

Doarjja ii juolluduvvo siidaoassejodiheddjái/jodiheddjiide geat leat deavdán 30 jagi ovdal ođđajagimánu 1. beavvi dan boazodoallojagi masá ohcá doarjaga.

Siidaoassejodiheddjiide oktasaš siidaosiin sáhtá doarjja juolluduvvot vaikko boarrásit náittosguoibmi dahje ássanguoibmi lea badjel 30 jagi, jus nuorat jodiheddji ii leat deavdán 30 jagi ođđajagimánu 1. beavvi dan boazodoallojagis masá ohcá doarjaga.

§ 8. Sierra doaibmadoarjja nissonolbmuide

§ 8

Nissonolbmuide geat akto jodihit siidaoasi ja geain boazodoallu lea váldoealáhus sáhtá juolluduvvot sierra doaibmadoarjja gitta 40 000 ruvno rádjái.

Go boazodoallu lea váldoealáhussan, de mearkkaša ahte unnimusat 50 proseantta siidaoassejodiheddji dienas bohtá divatgeatnegahtton biergovuovdimis iežas mearkkas. Nissonolbmot, geat leat leamaš boazodoalloahpahallin jagi ovdal go ožžo siidaoasi, sáhttet oažžut doarjaga dan jagi ovddas jus unnimusat 50 proseantta dietnasis bohtá oahpahallibarggus.

Gáldu: [Forskrift om tilskudd til siidaandeler og reinlag](#) (Lovdata)

Kommentárat: sierra doaibmadoarjja nissoniidda

Mearrádus gusto dušše siidaoassejodiheddjiide. Doarjja ii juolluduvvo boazoservviide.

Ulbmil sierra doaibmadoarjagiin nissonolbmuide lea doarjut nissonolbmuid geat akto leat jodiheddjin siidaoasi ovddas ja geain boazodoallu lea váldoealáhussan.

Boazodoallu váldoealáhussan

Boazodoallu váldoealáhussan njuolggadusa § 8 vuodul dárkkuha ahte eanas oassi siidaoassejodiheddji dietnasis bohtá divatgeatnegahtton biergovuovdimis iežas mearkkas. Dat lea seamma meroštus vuovdindietnasis go § 3 nr. 2. Eará dienas bohccos, ovdamearkka

dihte duollji, čoarvvi dahje duoji vuovdin ii rehkenastojuvvo das.

Sidjiide, geat leat leamaš oahpahallin, galgá váldoealáhuseaktu árvvoštallojuvvot bálkká ektui. Stáhtahálddašeaddji geahččá ollislaččat ohcci dienasdieđuid ja árvvoštallá galgá go doarjja juolluduvvot.

§ 9. Álggahandoarjja

§ 9

Olbmui gii oažžu dahje ásaha siidaoasi ovdal go deavdá 35 jagi sáhtta juolluduvvot álggahandoarjja 120 000 ruvno rádjái vuosttaš jagi mañnel go oačču dahje áhahii siidaoasi, ja vel 100 000 ruvno rádjái jahkásaččat guokte jagi mañnel go oačču dahje áhahii siidaoasi. Jus siidaoassi áhahuvvo dahje sirdojuvvo náittos-/ássanguimmežiidda geat goappašagat leaba siidaoassejodiheaddjin, de sáhtta goitge boarrásit náittos-/ássanguoibmi leat badjel 35 jagi go siidaoassi áhahuvvo dahje sirdojuvvo.

Álggahandoarjaga ohcci lea luvvejuvvon dienasgáibádusas § 3 nr. 2.

Gáldu: [Forskrift om tilskudd til siidaandeler og reinlag](#) (Lovdata)

Kommentárat áhahandoarjagi

Mearrádus gusto dušše siidaoassejodiheaddjiide. Doarjja ii sáhte juolluduvvot boazoservviide.

Álggahandoarjja galgá doarjut boazodolliid geat leat vuollel 35 jagi ja geat leat ožžon dahje áhahan iežaset siidaoasi.

Vuosttaš lađas: álggahandoarjaga eavttut

Siidaosiid ásaheapmi lea mearriduvvon boazodoallolága § 11 bokte. Siidaoassi sáhtta sirdojuvvot eaiggátsirdima bokte jus earret eará vuovdá, árbe, skenke jna., ja lea mearriduvvon boazodoallolága § 15 bokte. Siidaosiid ásaheami ja sirdima dohkkeha stáhtahálddašeaddji. Áigemuddu ásaheapmái/sirdimii lea dáhton mii lea namuhuvvon stáhtahálddašeaddji áššemearrádusas go dohkkehii ásaheami/sirdima.

Gáibádus ahte ohcci galgá leat vuollel 35 jagi gusto dan áigemuddui go siidaoassi áhahuvvo/sirdojuvvo. Jus ohcci deavdá 35 jagi vuosttaš golbma jagiid siskkobealde mañnel ásaheami/sirdima, de sus goitge lea riekti oažžut áhahandoarjaga jagis 2 ja 3. Dakkár dilálašvuodain go siidaoassi áhahuvvo/sirdojuvvo náittos-/ássanguimmežiidda geat goappašagat leaba siidaoassejodiheaddjin, de mákso okta doarjja.

Álggahandoarjaga máksomearri

Álggahandoarjaga máksomearri lea 120 000 ruvno vuosttaš jagi mañnel ásaheami/sirdima, ja 100 000 ruvno guokte čuovvovaš jagiid. Máksomearri gusto áhahan/sirdináigemuttu rájes, beroškeahhtá ahte lea go ohcojuvvon áhahandoarjja vuosttaš jagis.

Nubbi lađas: spiehkastat dienasgáibádusas § 3 vuosttaš lađđasis nr. 2

Ohcci sáhtta oažžut álggahandoarjaga vaikko sus ii leat leamaš divatgeatnegahtton vuovdindienas unnimusat 50 000 ruvno mañemus kaleanddarjagis. Spiehkastat gusto dušše álggahandoarjagi. Ohccis ii leat riekti oažžut eará doarjagiid jus dienasgáibádus ii leat ollašuvvan.

§ 10. Buvttadanvuoitu

§ 10

Boazosearvi dahje siidaoasi jodiheaddji sáhtta oazžut buvttadanvuoittu mii dahká gitta 39 proseantta buot divatgeatnegahtton biergovuovdimis ekskl. lassiarvodivada ja eará divatgeatnegahtton ealáhusdietnasis mii boahá boazosearvvi bohccuin dahje siidaoassejodiheaddji bohccuin mañemus kaleanddarjagis.

Siidaoasi eará boazoeaiggádiid dáfus meroštallojuvvo buvttadanvuoitu siidaoasi boazoeaiggádiid bohccuid biergovuovdindietnasiid ja eará vuovdindietnasiid vuodul.

Gáibiduvvo raportereren go biergovuovdindietnasis ja eará dietnasis bohccos mii lea vuovdojuvvon njuovahakkii njuolggadusa njuovvojuvvon bohccuid ja vuorkáhivvodaga vuodul vai dat sáhtta leat mielde buvttadanvuoittu meroštallanvuodus.

Ealihanbohccuid vuovdindietnasat, ja fievrredan- ja njuovvanolggosgolut eai leat buvttadanvuoittu meroštallanvuodus.

Dienas bohccuin mat leat njuovvojuvvon dahje vuovdojuvvon olggobealde Norgga rájiid eai rehkenastojuvvo divatgeatnegahtton dienasin vuosttaš čuoggá mielde, earret go jus boazu gullá olgoriikka reidenortnega vuollái.

Ii máksojuvvo buvttadanvuoitu divatgeatnegahtton sisaboadus mii lea badjel 650 000 ruvno guđege siidaoasi nammii ja 1 250 000 ruvno guđege boazosearvvi nammii.

Eanandoalldirektoráhtta sáhtta addit dispensašuvvna guđat lađđasa dienasrájis go heaittiha siidaoasi mas olles eallu njuovvojuvvo.

Gáldu: [Forskrift om tilskudd til siidaandeler og reinlag](#) (Lovdata)

Kommentárat buvttadanvuoitu

Siidaosiid ja boazoservviid buvttadanvuoittu meroštallanvuoddu

Ulbmil buvttadanvuoittuin lea bálkáhít árjabidjama, buvttadeami ja reidema ealáhusas.

Mearrádus earuha siidaoassejodiheaddjiid/boazoservviid dietnasa siidaoasi eará boazoeaiggádiid dietnasis mat leat mielde buvttadanvuoittu meroštallanvuodus.

Dienas galgá leat divatgeatnegahtton

Lea dušše divatgeatnegahtton vuovdindienas mii lea meroštallanvuodus siidaosiid ja boazoservviid buvttadanvuoittu doarjagis. Divatgeatnegahtton vuovdindienas lea čilgejuvvon kommentáras § 3 vuosttaš lađas nr. 2.

Dienas galgá boahit bohccos

Lea dušše biergovuovdin mii lea meroštallanvuodus vuovdindietnasis § 3 vuodul. Maiddái vuovdin/dienas eará buktagiin bohccos, ovdamearkka dihte duollji, čoarveduodji, sisti, dávtit j.e. leat vuoddu buvttadanvuoittu meroštallamii.

Dienas iežas dáidagis, mii lea bohccos ráhkaduvvon, ii leat divatgeatnegahtton, vrd. lasseárvodivatlága § 3-7 nr. 4, ja dan dihte ii leat meroštallanvuodus siidaoassejodiheaddji/boazosearvvi dietnasis.

Eará dienas mii ii boađe buvttadeamis ja reidemis, vrd. ulbmil mearrádusain, nu go turisten, herggiid luoikkaheapmi, luoikkahit olbmuide orrunsađi boazodoalus, dahje dienas bivdimis/guolásteamis dahje murjemis boazodoalloguovllus ii leat buvttadanvuoittu

meroštallanvuodus. Dat gusto maiddá ealihanbohccuid vuovdin ja fievrredan- ja njuovvangoluide.

Siidaoasi eará boazoeaiggádiid buvttadanvuoittu rehkenastin

Buvttadanvuoitu rehkenastojuvvo biergovuovdima dietnasis ja eará gálvvuiguin bohccos mañemus kaleanddarjagi siidaoasi eará boazoeaiggádiidda. Maiddá dan rehkenastimis lea vuovdindienas go sirdá gálvvuid ja oažžu mávssu dan ovddas.

Siidaoasi eará boazoeaiggádiin ii gáibiduvvo ahte vuovdindienas lea divatgeatnegahtton. Ii gáibiduvvo ahte siidaoasi eará boazoeaiggádiid vuovdindienas leat divatgeatnegahtton dan dihte vai maiddá sin vuovdindienas, geat eai leat geatnegahtton rehkenastit ja máksit lasseárvodivvaga, sáhtta biddjot dienasvuđđui.

Buvttadanvuoitu rehkenastojuvvo netto vuovdindietnasis

Buvttadanvuoitu rehkenastojuvvo netto vuovdindietnasis, das oaivvilduvvo boazoeaiggáda loahpparehket ekskl. lasseárvodivat. Dat dárkkuhuvvui Prop. 77 S, čuoggás 7.4.3 a. Haddi mañnel njuovvan- ja fievrredangessosa lea dat mii biddjo vuodđun buvttadanvuoittu rehkenastimii.

Buvttadanvuoittu máksomearri

Buvttadanvuoittu máksomearri lea namuhuvvon dietnasis gitta 39 proseantta rádjái.

Vuovdindienas galgá leat háhkkojuvvon mañemus kaleanddarjagis

Vuovdindienas galgá leat háhkkojuvvon mañemus kaleanddarjagis. Das oaivvilduvvo ahte bohccobierggu vuovdin ja eará bohccobuktagiid vuovdin galgá dáhpáhuvvat ovdal juovlamánu 31. beaivvi jagi ovdal ohcanjagi, vaikko máksin – leaš dal ruđain máksin dahje lonohallama bokte – geavvá nuppi jagi.

Duodaštus vuovdindietnasa eavttuid olaheamis

Stáhtahálldašeaddji sáhtta sihtat duodaštusaid vuovdindietnasis jus dárbbasit dan go árvoštallet eavttuid olaheami. Dakkár duodašteapmi galggašii čájehit makkár buvttá lea vuvdojuvvon, ja áigemuttu goas gálvu sirdojuvvui ja máksojuvuvui, ja vejolaččat ahte son gii vuovdá gáibida ruđa mañnel.

Haddi man njuovahat lea máksán bohccos boahotá ovdan njuovvanraporttas (Eanandoalldirektoráhtti raporterejuvvon njuolggadusa § 4 ja § 5) man njuovahat lea sádden. Vuovdinduodaštusa bokte boazoeaiggát duodašta priváhta vuovdindietnasa go ieš njuovvá ja vuovdá bohcco dahje bohccos man njuovahat lea njuovvan (returboazu).

Siidaoassejodiheddji galgá dahkat stáhtahálldašeaddjái jáhkehahttin ahte eará boazoeaiggádiid (geat eai leat geatnegahtton máksit divvaga) vuovdindietnasat ja namuhuvvon hattit leat riektá.

Boazu galgá leat njuvvojuvvon ja vuvdojuvvon Norggas

Dienas bohccos mii lea njuvvojuvvon ja/dahje vuvdojuvvon Norgga olggobealde ii leat buvttadanvuoittu meroštallanvuodus. Dienas dakkár njuovvamis/vuovdimis ii rehkenastojuvvo divatgeatnegahtton vuovdinsisaboahatun njuolggadusaid vuodul. Mearrádus gusto sihke bohccuide mat leat njuvvojuvvon Norggas ja vuvdojuvvon olgoriikkas, ja bohccuide mat leat njuvvojuvvon olgoriikkas.

Bohccot mat leat olgoriikka reidenortnega vuolde spiehkastit njuolggadusas. Eambo dieđuid ortnega birra gávnnat Eanandoalldirektoráhta [neahttasiiddus](#).

Dispensašuvdnalohpi

Go siidaoassi galgá heaittihuvvot, ja olles eallu njuvvojuvovot, de sáhtta Eanandoalldirektoráhtta mearridit ahte galgá máksojuvovot doarjja vuovdindietnasis mii rihkku ráji mearriduvvon viđat

laððasis.

Siidaoassi oidnojuvvo heaittihuvvon go ovddasvástáduš ii leat sirdojuvvon nubbái. Dat čuovvu boazodoallolágas § 16 vuosttaš láððasis. Dasa lassin lea eaktun dan njuolggadusa vuodul ahte olles siidaoasi eallu lea njuvvojuvvon, sihke bohccot mat gullet siidaoassejodiheaddjái ja eará siidaoasi miellahtuid bohccot.

Heaittihandiedáhus sáddejuvvo stáhtahálldašeaddjái, vrd. boazodoallolága § 16 goalmát laðas.

§ 11. Miessenjuovvandoarjja

§ 11

Boazosearvit dahje siidaoasi jodiheaddji sáhttet oázžut miessenjuovvandoarjaga gitta 650 ruvno miesis mii lea njuvvojuvvon ja raporterejuvvon njuolggadusa njuvvojuvvon bohccuid ja vuorkáhivvodaga vuodul. Njuovvan galgá leat dáhkkon njuovahagas mii geavaha optihkalaš guhkkodatmihtideami gorudis.

Doarjja sáhtta juolluduvvot misiid ovddas mat leat njuvvojuvvon áigodagas borgemánu 15. beavvi njukčamánu 31. beavvi rádjái.

Miessenjuovvandoarjja sáhtta maiddáii addojuvvot misiid ovddas mat bálkásit ja mat massojuvvojit rádioaktivitehtadoaimbajuid geažil.

Gáldu: [Forskrift om tilskudd til siidaandeler og reinlag](#) (Lovdata)

Kommentárat miessenjuovvandoarjagii

Ulbmil miessenjuovvandoarjagiin lea váikkuhit ahte stuorat oassi biergobuvttadeamis bohtá miesis. Miessenjuovvan geahpeda ealáhaga dálveguohtunguovllus ja unnida dálvvi vahága. Eambo miessenjuovvan váikkuha maiddáii buvttadanlassáneapmái, go miesit dagahit eambo lassáneami go boarrásit bohccot.

Siidaoasi/boazosearvi njuvvojuvvon misiid ovddas sáhtta oázžut miessenjuovvandoarjaga.

Vuosttaš laðas: miessenjuovvandoarjaga eavttut

Miessi galgá leat njuvvojuvvon ja raporterejuvvon dohkkehuvvon njuovahagas

Miessenjuovvandoarjja addojuvvo dušše misiid ovddas mat leat njuvvojuvvon dohkkehuvvon njuovahagas ja raporterejuvvon Eanandoalldirektoráhttii. Listu dohkkehuvvon boazonjuovahagain gávdno [Biebmobearráigeahču neahttasiidduin](#).

Njuovahagat galget ollašuhit [raporterenjuolggadusaid](#) §§ 4 ja 5 eavttuid raporteremii.

Miessi galgá klassifiserejuvvo optihkalaš guhkkodatmihtideami bokte

Doarjaga sáhtta oázžut dušše jus sihke njuovvan ja klassifiseren lea dahkkon njuovahagas mii lea geavahišgoahtán odđa systema optihkalaš guhkkodatmihtideami mihtidit bohccogorudiid.

Goalmát laðas: doarjja bálkestuvvon ja massojuvvon misiid ovddas

Muhtomin lea miessi nu heitot go njuvvojuvvo ahte bálkestuvvo. Dat mearkkaša ahte njuovahat ii mávsse boazoeaiggádii miesi ovddas. Miessenjuovvandoarjaga sáhtta maiddáii oázžut dakkár misiid ovddas, danin go doarjja oalgguha boazoeaiggádiid njuovvat heajos misiid dan ovdii go doalahit daid dálvvi čađa, mii sáhtta vahágahtit dálveguohtunguovllu ealáhaga.

Ovdal lea leamaš eahpesihkarvuohta goas miessi rehkenastojuvvo bálkestuvvon. Oasálaččat

šiehtadedje ahte doaba “bálkestuvvon miessi” njuolggadusas mearkkaša buot misiid maid Biebmobearráigeahčču bálkesta njuovahagain, vrd. čuoggá 3.2.2 boazodoallošiehtadus 2021/2022.

Miessenjuovvandoarjaga sáhttá maid oažžut misiid ovddas maid massá rádioaktivitehta geažil.

§ 12. Náittosguoibme-/ássanguoibmelasáhus

§ 12

Jus náittos-/ássanguimmežat goappašagat bargaba bohccuiguin seamma siidaoasis, ja goappašagat leaba siidaoasi jodiheaddjin, de sáhttá siidaoassái juolluduvvot liige jodihandoarjja gitta 30 000 ruvnno rádjái. Ii leat eaktun ahte goappašagain lea sierra mearka.

Náittosguoibme-/ássanguoibmelasáhus ii sáhte juolluduvvot jus nuppis, ovddit litnegis, lei dienas olggobealde boazodoalu eanet go 250 000 ruvnno. Árrasdoaimbuhtadus boazodoalloeláhusas lea dan oktavuodas dienas boazodoalus.

Lea eaktun ahte náittos-/ássanguimmežagat eaiggádeaba bohccuid seamma siidaoasis. Stáhtahálddašeddji sáhttá dispenseret dán gáibádušas dan doaibmajagi ovddas go náittos-/ássandilli ásahuvvui.

Gáldu: [Forskrift om tilskudd til siidaandeler og reinlag](#) (Lovdata)

Kommentárat náittosguoibme-/ássanguoibmelasáhusii

Mearráduš gusto dušše siidaoassejodiheaddjiide. Lasáhus ii sáhte juolluduvvot boazoservviide. Ulbmil náittosguoibme-/ássanguoibmelasáhusain lea doarjut boazodoalu bearašvuodu.

Láhčit dili bearašvuodot boazodollui heive boazodoallopoltiikalaš láidestusaide, vrd. Meld. St. 32 kapihttal 6.

Gáibáduš unnit dietnasis go 250 000 ruvnno goabbat náittosguoibmái/ássanguoibmái sihkkaraste ahte goappašagat bargaba bohccuiguin, ja eaba leat ollesáiggebarggus eará sajis ja ahte eaba ane boazodoalu astoáiggedoaibman.

Vuosttaš lađas: gáibáduš aktiivvalaččat bargat bohccuiguin

Náittos-/ássanguimmežagat ferteba bargat bohccuiguin seamma siidaoasis

Doaba “aktiivvalaččat bargat bohccuiguin seamma siidaoasis” mearkkaša ahte siidaoassejodiheaddji ja náittos-/ássanguoibmi goappašagat galgaba gullat siidaoasi dollui masá ohcojuvvo doarjja. Leat dušše siidaoasit gos náittos-/ássanguoimmit goappašagat leaba čálihuvvon jodiheaddjin siidaoasis geat sáhttiba oažžut náittosguoibme-/ássanguoibmelasáhusa.

Boazodoallu galgá leat “seamma siidaoasis”. Ohcci ii sáhte leat jodiheaddji siidaoasis seammás go lea reaŋgan/biigán eará siidaoasis olles boazodoallojagi čađa.

Náittos-/ássanguoimmis ii dárbbas leat iežas mearka

Ii leat gáibáduš ahte náittos-/ássanguoimmis lea iežas mearka. Jus goappašagain lea sierra mearka ja vejolaččat bohccot, de lea liikká gáibáduš ahte goappašagat eaiggádeaba bohccuid seamma siidaoasis, vrd. § 12 goalmát lađas.

Nubbi lađas: dienasgáržžideapmi

Ii sáhte oažžut doarjaga jus nubbi náittos-/ássanguoimmis lea dienas eará sajis go boazodoalus eambo go 250 000 ruvnno maŋemus litnegis. Maŋemus litnet mearkkaša dat litnet mii gusto go

ohcá doarjaga.

Áirrasdoaibmabuhtadus boazodoalloeláhusas rehkenastojuvvo boazodoalu dihte dienasin, ja dienasgáržžideapmi ii guoská dasa.

Boazodoalu áirrasdoaibmaovdamearkkat:

- Boazodoallostivrra/Boazodoalu Ovdánahttinforandda miellahtu
- Mearkalávdegotti miellahtu
- Mearkaáššiid váidinlávdegotti miellahtu
- orohatstivrra miellahtu
- miellahtu boraspirelávdegottis dahje ráđđeaddi boraspireáššiid gulahallanlávdegottis fylkkas/riikkas
- NBR stivramiellahtu
- Det Faste Utvalget-miellahtu (Norgga ja Ruota gaskka konvenšuvdna)
- Norgga ja Ruota gaskka boazoguohtunkonvenšuvnna šiehtadanlávdegotti/fágajoavkku miellahtu
- Sámevuoigatvuođalávdegotti miellahtu

Stáhtahálldašeaddji sáhtta bagadallat makkár buhtadusat rehkenastojit boazodoalu dienasin.

Goalmmát lađas: gáibádus eaiggádit bohccuid seamma siidaoasis

Goappašat bealit náittos-/ássandilis ferteba eaiggádit bohccuid seamma siidaoasis jus galgaba oažžut náittosguoibme-/ássanguoibmelasáhusa. Dat gusto dušše jus goappašat beliin leat bohccot iežas mearkkas. Mañnel go dat ortnet rievdaduvvui gustot dušše náittos-/ássanguimmežiidda geat goappašagat leaba jodiheaddjin seamma siidaoasis, de eaktu automáhtalaččat ollašuvvá, go ii leat lohpi eaiggádit bohccuid eambo go ovtta siidaoasis, vrd. § 10 goalmmát lađas.

Dispensašuvdnalohpi

Dan doaibmajagi ovddas go náittos-/ássanguoibmedilli lihtoduvvui, de sáhtta stáhtahálldašeaddji dispenseret gáibádusa eaiggádit bohccuid seamma siidaoasis.

Áigemuddu ássanguoibmedilálašvuođa lihtodeapmái bohta ovdan boazodoallolágas § 13. Mearrádusa goalmmát lađasa vuodul leaba náitalkeahces olbmot geat orruba ovttas ássanguimmežagat jus:

1. sudnos leat dahje leat leamaš oktasaš mánát,
2. soai ovdal leaba leamaš náittosdilil, dahje
3. soai leaba eallán náittoslágan dilis guokte jagi

Dávjá gáibiduvvo ahte mearkalávdegoddi dohkkeha mearkka sirdima ovdalgo bohccot sáhttet sirdojuvvot oktasaš siidaoassái. Bohccot sirdojuvvojit dábálaččat mañnel doaibmajagi, cuoŋománu 1. beaivvi rájes. Danin sáhtta leat govttoheapme dakkár dilálašvuođas gáibidit ahte bohccot sirdojuvvojit seammás go náittos-/ássanguoibmedilli ásahuvvo.

Lea stáhtahálldašeaddji duohken árvvoštallat ahte galget go duođaštusat vižžojuvvot mat sáhttet duođaštit dieđuid, ja maid makkár duođaštusat galget vižžojuvvot ohccis. Dakkár duođaštusat sáhttet leat álbmotregistara duođaštus náittosdillái/oktasaš čujuhussii ja mañemus litnet.

§ 13. Dieđut ja dárkkisteapmi

§ 13

Doarjaga vuostáiváldit leat dán njuolggadusa vuodul geatnegahtton addit buot dieđuid maid boazodoalloeiseválddit dárkkašit doarjjaortnegiid hálddašeapmái, dahje boazodoallošiehtadusa ollašuttimii.

Boazodoalloeiseválddit bearráigehččet ahte doarjjamáksin šaddá riekta, ja sii besset oaidnit buot girjedoalu, gulahallama ja mearkkašemiid mat gullet doarjagii. Boazodoalloeiseválddit sáhttet gáibidit goluid dárkkistuvvot rehketdoalu doaimmain main lea revišuvdnageatnegasvuohta.

Gáldu: [Forskrift om tilskudd til siidaandeler og reinlag](#) (Lovdata)

Kommentárat dieđihangeatnegasvuhtii ja dárkkisteapmái

Njuolggadusa § 13 vuosttaš lađđasa vuodul lea doarjjavuostáiváldis, sihke duohta- ja vejolaš vuostáiváldis, geatnegasvuohta addit boazodoalloeiseválddiide (stáhtahálddašeaddjái, Eanandoalldirektoráhttii ja Eanandoallo- ja biebmodepartementii) daid dieđuid maid eiseválddit bivdet ortnega hálddašeami oktavuodas. Mearrádusa galgá ipmirdit nu, ahte boazodoalloeiseválddit sáhttet dušše gáibidit dieđuid mat leat meannudeapmái áššáiguoskevaččat.

Boazodoalloeiseválddit dábálaččat bivdet doarjjavuostáiváldi skáhppot dieđuid ja duođaštusaid vai lea mielde juohkime relevántta dieđuid iežas áššis. Jus doarjjavuostáiváldi ii juoge dieđuid mat bivdojuvvojit, de boazodoalloeiseválddit fertejit mearridit ášši dieđuid ja duođaštusaid vuodul mat leat olámmuttos.

§ 14. Dieđuid viežžan

§ 14

Ohcangiedahallama ja doarjjamáksimiid dárkkisteami oktavuodas sáhtta boazodoalloeiseváldi viežžat dieđuid almmolaš eiseválddiin.

Gáldu: [Forskrift om tilskudd til siidaandeler og reinlag](#) (Lovdata)

Kommentárat dieđuid viežžamii

Eai leat kommentárat.

§ 15. Boasttomáksimiid divvun

§ 15

Boazodoalloeiseválddit sáhttet divvut boasttomáksojuvvon doarjagiin, juogo manjilmáksimiin dahje doarjaga ruovttoluottamáksingáibáduš doarjjavuostáiváldis.

Gáldu: [Forskrift om tilskudd til siidaandeler og reinlag](#) (Lovdata)

Kommentárat boasttomáksimiid divvumii

Mearráduš dárkkuha ahte boazodoalloeiseválddit (stáhtahálddašeaddji, Eanandoalldirektoráhtta ja Eanandoallo- ja biebmodepartemeantta) sáhttet boasttomáksimiid divvut.

Boazodoalloeiseválddit sáhttet dakkár oktavuodain gáibidit ruovttoluotta doarjaga mii lea máksojuvvon badjel meari, dahje manjil máksit doarjaga mii lea máksojuvvon beare unnán.

Mearráduš gusto sihke dalle go duohta máksin ii oktiivástit doarjjasupmiin áššemearrádušas, ja go máksinmearrádušas dieđut vuodduvvojit boasttodieđuide, mii lea dagahan boasttomáksima.

Doarjja mii lea beare unnán mákson divvojuvvo go boazodoalloeiseválddit maŋŋil mákset váilevaš supmi doarjjavuostáiváldái. Doarjjavuostáiváldi oažžu dieđu boazodoalloeiseválddiin go dat lea dahkkon.

Badjelmeari máksojuvvon doarjja sáhtá gáibiduvvot ruovttoluotta doarjjavuostáiváldis jus dat lea boazodoalloeiseválddiid árvoštallama vuodul govttolaš. Árvoštallamii váldo vuhtii ahte doarjja lea juo mákson go lea sáhka ruovttoluottagáibideamis. Jus doarjjavuostáiváldi ipmirdii dahje livčče galgan ipmirdit ahte doarjaga máksin lei boastut, de dat mielddisbuktá dábálaččat ahte doarjja gáibiduvvo ruovttoluotta máksojuvvo.

Go máksinmearrádus vuodđuduvvo boasttudieđuid ala, de fertejit boazodoalloeiseválddit vuos rievdadit dan. Doarjjavuostáiváldái sáddejuvvo rievदानmearrádus oktan ruovttoluottamáksingáibádusain.

§ 16. Unnideapmi je.

§ 16

Jus ohcci fuollameahttumit dahje eaktodáhtolaččat lea addán boasttodieđuid dahje váilevaš dieđuid doarjjaohcamis mii lea dahje livččii sáhtán dagahit ahte doarjja máksojuvvo eahpevuoiggalaččat, de sáhtá doarjja ollásit dahje belohahkii unniduvvot.

Jus doarjjavuostáiváldi fuollameahttumit dahje eaktodáhtolaččat doaibmá dahje lea doaibman boazodoalloealáhusa lágaid dahje njuolggadusaid vuostá, de sáhtá doarjja ollásit dahje belohahkii bissehuvvot dassáži go dilli lea njulgejuvvon. Jus rihkkuma olis lea leamaš roavva fuollameahttunvuolta dahje eaktodáhtolašvuolta, de sáhtá doarjja ollásit dahje belohahkii unniduvvot.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Obbalaččat unnideami birra

Unnideapmi mearkkaša ahte boazodoalloeiseválddit unnidit doarjaga man ohcci rievtti mielde sáhtášii oažžut.

Unnideami mearrádusa mihttu lea čavget ohcci várrogasvuoda go deavdá ohcama. Unnideamis ii leat ráŋggásteaddji ulbmil, ja dan ii galgga ipmirdit ráŋggáštussan.

Doarjjaohccit geat ieža dieđihit stáhtahálldašeaddjái boasttodieđuid birra ožžot dábálaččat olles doarjjasupmi.

Vuosttaš lađas: unnideapmi go leat boasttodieđut ohcamis

Doarjja sáhtá unniduvvot § 15 vuosttaš lađasa vuodul jus dat geas lea riekti oažžut doarjaga lea fuollameahttumit dahje eaktodáhtolaččat addán boasttudieđuid dahje váilevaš dieđuid ohcamis, ja dat dieđut leat dagahan badjelmeari doarjjamáksima.

Dat lea boasttudiehtu go dieđut mat leat čállon ohcamii eai oktiivástit duohta diliin.

Boasttudiehtu galgá addán dahje sáhtán addit eambo doarjaga go dan maid doarjjavuostáiváldis livčče leamaš riekti oažžut.

Doarjjavuostáiváldi galgá fuollameahttumit dahje eaktodáhtolaččat addán boasttudieđuid

Doarjjavuostáiváldi galgá addán boasttodieđuid “fuollameahttumit dahje eaktodáhtolaččat”. Dat mearkkaša ahte doarjja ii sáhte unniduvvot jus boasttudieđut leat addon dan doaivvus ahte dat leat duohta dieđut, jus ovdamearkka dihte ohcci ii ipmirdan dahje livčče galgan ipmirdit ahte dieđut ohcamis ledje boastut.

Go eaktodáhtolaččat lea addán boasttudieđuid, de lea dihtomielalaččat addán boasttudieđuid. Go fuollameahttumit lea addán boasttudieđuid, de lea láhtten eará vuogi mielde, go dan maid jierbmeolmmoš livčče dahkan seamma dilálašvuodas.

Siidaossejodiheadđi dahje boazosearvi dovda diliid, maid birra jerrojuvvo ohcanskovis ja mat dárbbasuvvojit áššemeannudeamis, ja son dábálaččat diehtá dahje galggašii diehtit leatgo boasttudieđut vai eai. Jus ohccis leat váttisvuodát ipmirdit ohcanskovi jearaldagaid, de galggašii son váldit oktavuodá stáhtahálddašeddjiin dan čielggadit buori áiggis ohcanáigemearrái.

Unnideami mearri

Boazodoalloeiseválddit sáhttet unnidit “olles dahje oasi doarjagis”. Hálddašangeavada vuodul unniduvvo doarjjasubmi supmiin mii vástida dan submái, maid boasttudieđut livčče dagahan.

Nubbi lađas vuosttaš čuokkis: doarjja ii máksojuvvo jus boazodoallonjuolggadusat rihkkojuvvojit Mearrádus gusto go doarjjavuostáiváldi jodiha doaimmas ja seammás rihkku lágaid dahje njuolggadusaid boazodoalu hárrái. Dakkár njuolggadusat leat dábálaččat boazodoalloláhka gullelaš njuolggadusaiguin, boazodoallošiehtadusa njuolggadusat doarjaga birra, ja ellidčálgoláhka gullelaš njuolggadusaiguin. Ulbmil lea ahte ii galgga doarjut lobihis doaimma.

Mearrádus geavahuvvo go eiseválddit geat hálddašit dan dihto njuolggadusa leat meannudan ášši ja meannudusas boahťa ovdan ahte áššáiguoskevaš olmmoš lea rihkkon njuolggadusaid fuollameahttumit dahje eaktodáhtolaččat. Dakkár dilálašvuodain sáhttet boazodoalloeiseválddit ájihit doarjaga máksima siidaosiide ja boazoserviide dassáži dilli lea njuolgan.

Go áššáiguoskevaš olmmoš lea njulgen dilis ja dagahan ahte su boazodoallu lea lobálaš, de eai sáhte boazodoalloeiseválddit šat ájihit doarjaga máksima. Doarjja máksojuvvo dakkaviđe go boazodoalloeiseválddit leat ožžon dieđuid ahte dilli lea njuolgan.

Nuppi lađđasa nubbi čuokkis: doarjaga unnideapmi go duođalaččat rihkku boazodoalu njuolggadusaid

Mearrádus gusto njuolggadusaid duođaleamos rihkkumiidda. Go eiseválddit áššáiguoskevaš njuolggadusaide leat gávnahan ahte njuolggadusat leat rihkkojuvvon duođalaččat dahje eaktodáhtolaččat, de sáhtta siidaosiid ja boazoserviid doarjja unniduvvot vaikko lobihis dilli lea njulgejuvvon.

§ 17. Ruovttoluottamáksima dahje unnidansupmi sisagáibideapmi

§ 17

Boazodoalloeiseválddit sáhttet gáibidit máksojuvvon supmi ja vuoigaduvvon doarjaga gaskasaš differánssa máksojuvvon ruovttoluotta § 14 mielde dahje § 15 mielde unniduvvot. Erohusa sáhtta maiddái geassit boahťevaš doarjjamáksiimiin.

Boazodoalloeiseválddiid gáibádusat sáhttet biddjot johtui go doarjja máksojuvvo doarjjavuostáiváldái.

Jus doarjjavuostáiváldi ii lean várrogas buori jáhkus máksima hárrái, de sáhttet reanttut gáibiduvvot dan áiggi rájes go ruovttoluottamáksingáibádus lea ollen doarjjavuostáiváldái. Jus lea roavva fuollameahttunvuolta dahje eaktodáhtolašvuolta, de sáhttet reanttut gáibiduvvot dan áiggi rájes go eahpevuoiggalaš doarjja lea máksojuvvon. Reantojuolgi galgá leat seamma go dat reantojuolgi maid Finánsadepartemeanta áiggis áigái mearrida § 3 mielde lágas b. juovlamánu 17. b. 1976 nr. 100 reanttuid manjonan máksimiid je. birra.

Gáldu: [Forskrift om tilskudd til siidaandeler og reinlag](#) (Lovdata)

Kommentárat ruovttoluottamáksimii dahje unnidansupmi sisagáibideapmái

Mearrádus addá doarjagiid sisagáibideapmái njuolggadusaid dalle go lea áššemearrádus sisagáibideapmái ja/dahje unnideapmái §§ 14 ja 15 vuodul.

Go stáhtahálddašeaddji lea meannudan ášši ahte unnidansupmi ja/dahje boasttumáksojuvvon doarjja galgá gáibiduvvot ruovttoluotta, de sáhtá máksojuvvon supmi ja vuoigaduvvon supmi gaskasaš differánša gáibiduvvot máksojuvvon ruovttoluotta boahhtevaš doarjjamáksiimiin siidaosiide ja boazoserviide, dahje eará doarjjamáksiimiin maid doarjjavuostáiváldi sáhtá oažžut.

Mearrádusa nuppi lađđasa vuodul sáhttet eará gáibádusat mat boazodoalloeiseválddiin leat siidaosi ja boazosearvvi vuostá rehkenastojuvvot doarjjarievttis eret dan mearrádusa vuodul.

Stáhtahálddašeaddji ja/dahje Eanandoalldirektoráhtta mii árvoštallá ahte galgá go submi gáibiduvvot boahhtevaš doarjagiin. Doarjjavuostáiváldi oažžu dakkár dilálašvuodain čálalaččat dieđu ahte olles dahje oassi supmis gáibiduvvo doarjjavuostáiváldi boahhtevaš doarjjagáibádusas.

Jus ii celkojuvvo ahte olles supmi galgá máksojuvvon ruovttoluotta, de doarjjavuostáiváldái sáddejuvvo rehket mii galgá adnot ruovttoluottamáksimis.

Reanttut

Ruovttoluottamáksingáibádussii sáhttet reanttut lasihuvvot § 16 goalmát lađđasa vuodul.

Reanttut eai lasihuvvo jus doarjjavuostáiváldi várrogas buori jáhkus máksima hárrái, das oaivvilduvvo jus doarjjavuostáiváldi ii ipmirdan dahje livčče galgan ipmirdit ahte máksin lea šaddan boastut.

Jus doarjjavuostáiváldi ipmirdii dahje livčče galgan ipmirdit ahte máksin lea šaddan boastut, de sáhttet reanttut lasihuvvot dan rájes go son oáččui ruovttoluottamáksingáibádusa poastakássii dahje e-bostii. Dan meroštallamii váldo vuhtii maid dábálaš várrogas olmmoš seamma sajádagas ja dilis ipmirda ja livčče galgan ipmirdit.

Jus doarjjavuostáiváldi lea hui fuollameahttumit dahje hui eaktodáhtolaččat meannudan ohcama dahje máksima oktavuodas, de sáhttet reanttut lasihuvvot dan rájes go doarjja máksojuvvoi. Doarjjavuostáiváldi lea čájehan hui fuollameahttun láhttema go lea nanu sivahallamiin meannudan; das oaivvilduvvo čalmmustahttojuvvon spiehkasteapmi dábálaš várrogas olbmo meannudeamis, gii lea seamma sajádagas ja dilis go doarjjavuostáiváldi. Jus doarjjavuostáiváldi lea dihtomielaččat dahje iežas dáhtu mielde dahkan dan, de lea eaktodáhtolašvuodain rihkkon njuolggadusaid.

Eanandoalldirektoráhtta mearrida reantogáibádusa § 16 goalmát lađđasa vuodul.

Reantosupmi mearriduvvo njuolggadusa § 3 reanttuid birra go máksin maŋŋona.

§ 18. Hálddašeapmi, váidin ja dispensašuvdna

§ 18

Doarjaga áššemearrádusa dahká stáhtahálddašeaddji. Sáhtá váidit stáhtahálddašeaddji áššemeannudanvuogi hálddašanáššiin Eanandoalldirektoráhttii lága guovvamánu 10. b. 1967 vuodul (hálddašanláhka).

Eanandoalldirektoráhtta sáhtá erenoamáš diliin dispenseret njuolggadusa mearrádusain.

Eanandoalldirektoráhta mearrádusaid dan njuolggadusa vuodul sáhtta váidit Eanandoallo- ja biebmodepartementii lága (hálddašanláhka) guovvamánu 10. b. 1967 vuodul áššemeannudanvugiid hálddašanáššiin birra.

Gáldu: [Forskrift om tilskudd til siidaandeler og reinlag](#) (Lovdata)

Kommentárat hálddašeapmái, váidimii ja dispensašuvdnii

Vuosttaš lađas: stáhtahálddašeaddji mearrádus

Stáhtahálddašeaddji lea vuosttaš instánsa go lea sáhka siidaosiid ja boazoservviid doarjagiid ohcamat, earret go guovtti čuoggás:

- dispensašuvdna dienasrájis § 10 njealját lađđasa vuodul
- dispensašuvdna eará mearrádusain njuolggadusain, earret go ohcanáigemearri, vrd. § 17 nubbi lađas

Stáhtahálddašeaddji mearrádusa sáhtta váidit Eanandoalldirektoráhttii. Hálddašanlága § 32 vuosttaš lađđasa bustávva a vuodul galgá váidaga buktit ovdan dan hálddašanorgánii mii lea meannudan ášši, das dat lea stáhtahálddašeaddji. Stáhtahálddašeaddji galgá vuosttažettiin árvvoštallat váidaga. Jus stáhtahálddašeaddji dohkkeha váidaga ja rievdata áššemearrádusa ohcci oidui, de bisána ášši dasa. Jus stáhtahálddašeaddji bisuha áššemearrádusa, de váidda sáddejuvvo Eanandoalldirektoráhttii, geat loahpalaččat mearridit áššis, vrd. hálddašanláhka § 33 nubbi lađas.

Nubbi lađas: dispensašuvdna njuolggadusa mearrádusas

Jus siidaoassi dahje boazosearvi ii deavdde eavttuid oažžut doarjaga, de sáhtta dispensašuvdna árvvoštallojuvvot njuolggadusa § 17 nuppi lađđasa vuodul.

Dispensašuvdna sáhtta addot dušše erenoamáš dilálašvuodain ja dušše ovttá doarjjajahkáái hávális. Eanandoallo- ja biebmodepartemeantta leat muhtun árvvoštallanmomeanttaid bidjan mat galget adnot árvvoštallat galgá go dispensašuvdna addot vai ii. Árvvoštallanmomeanttat leat:

- dilit mat biddjojit ággan dispensašuvdnii eai leat siidaoasi/boazosearvi váikkuheami duohken, ja
- váilevaš doarjja dahká váttisin jodihit siidaoasi, ja
- dispensašuvdna ii váikku njuolggadusa ulbmilii. Das oaivvilduvvo ahte ii sáhte addot dispensašuvdna oktasaš gáibádusaid vuodul, ovdamearkka dihte gáibádus boazodoalldiedáhussii, definišuvnnaide dahje mearriduvvon doarjjasupmiide. Dispensašuvdna gáibádusain mat leat biddjon vai sáhtta láchit dili guoddevaš boazodollui (ovdamearkka dihte boazolohkui) galget árvvoštallojuvvot gáržžibut eavttuid vuodul go eará mearrádusat njuolggadusas (ovdamearkka dihte unnimussisabohtu dakkár diliin go njuovvan ii leat leamaš vejolaš diliid dihte maidda siidaoassejodíheaddji ii sáhte váikkuhit)

Dispensašuvdnamearrádusas leat gáržžes eavttut, ja galget buorit ákkat dispensašuvnna addit. Vaikko lea “erenoamáš dilálašvuolta”, de sáhtta ášši oktavuolta njuolggadusa ulbmiliidda mearkkašit ahte dispensašuvdna ii galga addot dihto áššis.

Eanas dilálašvuodat mat gustojit siidaoasi doibmii, nu go siidaoasi boazolohku, njuovvan, guođoheapmi jna. leat dábálaččat siidaoasi/boazosearvi duohken. Šiehtadanbealit leat cealkán ahte klimáhtalaš dilit (obbalaččat váttis doaibmadilit je.) dábálaččat eai fátmastuvvo dispensašuvdnalobis. Fáhkkadáhpáhusat dego heavvaneapmi, muohtauđđasat, fáhkka buohccán ja sullasaččat eai leat siidaoasi/boazosearvi duohken.

§ 19. Fápmuiboahhtin

§ 19

Njuolggadus fápmuiboahhtá suoidnemánu 1. beaivvi 2019. Seammás fámohuhttojuvvo geassemánu 19. beaivvi nr. 592 njuolggadus doarjagat siidaosiide ja boazoservviide birra.

Gáldu: [Forskrift om tilskudd til siidaandeler og reinlag](#) (Lovdata)

Kommentárat mearrádussii

Eai leat kommentárat mearrádussii.